



Molonai 1–6

(30 NŌVEMA–6 TĪSEMA)

Ko e hā ha me’a te tau lava ‘o ako mei he tohi ‘a Molonaí?

Na’e mo’ui ‘a Molonai ‘i ha ngaahi taimi faingata’a. Na’á ne mātātonu ki hono faka’auha faka’osi ‘o e kau Nifai, ne pekia ai ‘ene tamaí ‘i he taú (vakai, Molomona 8:3), pea ko e kau Nifai ne ‘ikai ke nau faka’ikai ‘i ‘a Sisū Kalaisí ne tāmata’i (vakai, Molonai 1:2). Na’e ta’eloto foki mo Molonai ke “faka’ikai ‘i ‘a e Kalaisí” (Molonai 1:3). Na’á ne hola holo ke hao pea nofo toitoi ‘i ha ngaahi ta’u lahi.

“Oku ou tohi mo ha ngaahi me’a si’i ‘e ni’ihi” (Molonai 1:4)

Lolotonga e taimi ko ‘ení, ne fakakaukau ‘a Molonai kuo ‘osi ‘ene tohi ‘i he ‘ū lau’i peletí, ka ko e finangalo ia ‘a e ‘Eikí ke ne “tohi mo ha ngaahi me’a si’i ‘e ni’ihi, hei’ilo na’a ‘aonga ‘apē ia ki hoku kāingá . . . ‘i ha ‘aho ‘amui” (Molonai 1:4).



Ko e hā e ‘uhinga na’á ne tohi ai iá?

I hono ‘ilo’i ‘e Molonai e ngaahi taumu’a fakalangi ‘o e Tohi ‘a Molomoná, na’e pau ai ke ne filifili lelei e me’a na’á ne tohi. Hili ho’o lau e tohi ‘a Molonaí, fakakaukau ke ke fehu’i angé pe ko e hā ne fili ai ‘e Molonai ke ne lekooti e me’a na’á ne faí. Ko e hā e me’a na’á ne ongo’i ne mahu’ingá? ‘Oku tākiekina fēfē ho’o ngaahi ongó ‘e he fakamo’oni faka’osi ‘a Molonai fekau’aki mo e Tohi ‘a Molomoná?

Ko e hā e me’a na’á ne tohi?

Na’e toe tānaki atu ‘e Molonai e vahe 8 mo e 9 ki he Tohi ‘a Molomoná, fakakau atu mo ‘ene fakanounou’i e tohi ‘a ‘Etá, pea tānaki atu ‘ene tohi pē ‘a’ana (ko e Tohi ‘a Molonaí) ki he ‘ū lau’i peletí ‘a Molomoná.

‘Oku ‘i ai ha ngaahi me’a lahi ‘i he tohi ‘a Molonaí ‘oku ‘aonga kiate kitautolu. Na’á ne tohi fekau’aki mo e ngāue ‘a e Siasí (vakai, Molonai 1–6), fakakau ai mo e ngaahi akonaki mei he’ene tamai ko Molomoná (vakai, Molonai 7–9), pea lekooti mo ‘ene fakamo’oni faka’osí (vakai, Molonai 10).

